

Reykjavík, 12. desember 2018

Efni: Leiðréttingar á virðisaukaskatti

Ríkisskattstjóri tilkynnir hér með að hann mun frá og með 1. janúar 2019 hætta móttöku leiðréttingarskýrslna á pappír, RSK 10.03 og RSK 10.26, hvort heldur sem um er að ræða frumrit eða myndrit af pappírs skýrslum sem sendar eru með tölvupósti.

Samkvæmt 2. mgr. 6. gr. reglugerðar nr. 667/1995, um framtal og skil á virðisaukaskatti, skal gera grein fyrir leiðréttingu á áður ákvörðuðum virðisaukaskatti á sérstökum leiðréttingarskýrslum í því formi sem ríkisskattstjóri ákveður. Í lokamálslið þessarar málsgreinar kemur fram að þessar skýrslur geti verið á rafrænu formi og byggir ákvörðun þessi á því.

Á þjónustuvef embættisins, www.skattur.is, hefur aðilum nú í tæp tvö ár verið gert kleift að leiðrétta fyrri virðisaukaskattsskil sín rafrænt. Frá og með 1. janúar 2019 verður það eina leiðin til að skila inn leiðréttingum á stökum uppgjörstímabilum en áfram verður hægt að leiðrétta virðisaukaskattsskil fyrir heilt almanaksár í senn meðfram skilum á skattframtali.

Hafi skattframtali verið skilað verður ekki hægt að skila inn leiðréttingarskýrslum fyrir þau ár og þau uppgjörstímabil sem framtalið tekur til án þess að einnig sé óskað leiðréttingar á skattframtali til samræmis við leiðréttingar á virðisaukaskatti. Í þeim tilfellum þarf leiðréttingarskýrsla að berast með hinu leiðrétta framtali og verður hún tekin til afgreiðslu samhliða því.

Nánari upplýsingar um skil á virðisaukaskatti má finna á vef embættisins <https://www.rsk.is/atvinnurekstur/virdisaukaskattur/uppgjor-og-skil/> en einnig má hafa samband við þjónustuver ríkisskattstjóra í síma 442-1000.

Virðingarfyllt
Ríkisskattstjóri